

'Dr Mahathir jaguh dalam gerakan Islam di dunia'

BERITA HARIAN

9
310 DEC 1983

KUALA LUMPUR, Khamis. — Perdana Menteri, Datuk Seri Dr Mahathir Mohamad hari ini disifatkan sebagai 'jaguh' dalam pergerakan Islam di dunia.

Kepemimpinan Datuk Seri Dr Mahathir adalah menuju ke jalan yang sebenarnya mengikut perkembangan dan kepentingan Islam.

"Tidak ada orang lain di dunia yang layak diberi gelaran itu selain dari Datuk Seri Dr Mahathir Mohamad," kata Profesor Ismail Raji Al-Faruqi, ketika memberikan ceramahnya di seminar sehari mengenai Islam dan Kebudayaan, di sini hari ini.

Sarjana terkenal di dunia dan penulis beberapa buku mengenai Islam itu berkata, Datuk Seri Dr Mahathir telah menyumbangkan usahanya yang tidak ternilai kepada pergerakan Islam di negara ini dengan

niat yang suci.

Diminta mengulas kenyataannya itu kemudian, beliau berkata, sumbangan Datuk Seri Dr Mahathir itu adalah merangkumi setiap rakyat dari golongan belia, pekerja dan lain-lain ke arah penerapan nilai-nilai Islam.

"Saya tidak nampak orang lain di dunia selain dari Mahathir yang layak untuk mendapat gelaran itu," ujarnya.

Beliau berkata, dari pengamatannya, adalah sukar membandingkan Datuk Seri Dr Mahathir Mohamad dengan pemimpin Islam yang lain berhubung usahanya meletakkan rakyat kepada satu landasan berasaskan kebenaran.

Profesor Islam itu berkata, Perdana Menteri terus menerus tanpa jemu berusaha menegakkan dan meningkatkan syiar Islam.

Usahanya itu berlandaskan kepada kebenaran dan sejajar dengan kehendak Islam

dalam memimpin umatnya, katanya.

"Semoga Allah memenuhi cita-cita murahnya itu," tambahnya.

Beliau menegaskan, Datuk Seri Dr Mahathir dan kerajaannya kini cuba menerapkan perubahan kepada rakyat di negara ini ke arah satu tahap yang benar-benar berlandaskan ajaran dan kepentingan Islam dan meletakkan beberapa ciri penting untuk tujuan itu.

Beliau membayangkan bahawa beliau tidak nampak keadaan yang negatif terhadap dasar yang dilaksanakan berhubung dengan penerapan membangkitkan kesedaran Islam di negara ini.

Ditanya mengenai perbingangannya dengan Perdana Menteri semalam, Profesor itu berkata, mereka membincangkan perkara-perkara mengenai Islam dan hal ehwal di Malaysia. Beliau enggan mengulas lanjut.